

Issue 28/5/18

## NASIONAL

# Bentang dengan jelas

*Maklumat status ekonomi negara perlu sampai secara terus kepada rakyat*

NUR FADHILAH ISMADI

SHAH ALAM



AHMED RAZMAN

Interpretasi status ekonomi negara perlu dibentangkan dengan jelas kerana ia berkait rapat dengan hutang negara.

Pensyarah Kanan Putra Business School Universiti Putra Malaysia (UPM), Dr Ahmed Razman Abdul Latiff berkata, kerajaan perlu me-

mikirkan bagaimana membentangkan status ekonomi berkenaan bagi memastikan maklumat sampai secara terus kepada rakyat.

"Hutang negara sudah lama ada, cuma bagaimana ia dibentangkan atau pemahaman tentang jumlah dinyatakan itu dikira sebagai hutang atau tidak. Ia sangat berkaitan dengan interpretasi hal itu," katanya.

Menurutnya, jumlah hutang itu juga perlu dilihat sama ada ia berbentuk jaminan atau sebaliknya.

"Ia bergantung status pinjaman tersebut atau jum-

lah pendapatan kerajaan.

"Sebab kita juga perlu lihat indeks jaminan kerajaan kepada pelbagai entiti yang gagal membayar balik hutangnya," katanya semalam sebagai mengulas kenyataan bekas Perdana Menteri, Datuk Seri Najib Tun Razak yang seakan memerli kerajaan mengenai perubahan ekonomi boleh berubah dalam masa dua minggu.

Ia merujuk kenyataan Menteri Kewangan, Lim Guan Eng yang melaporkan ekonomi negara kekal kukuh walaupun perlu memperbaiki keadaan fiskal semasa.